

| | | | |
|------------|---|-------------|--------------------|
| Headline | Masuk percuma ke Taman Botani Kepong untuk warga emas bermula Mac | | |
| MediaTitle | Utusan Borneo Sarawak | | |
| Date | 20 Feb 2023 | Color | Black/white |
| Section | News | Circulation | 31,034 |
| Page No | 14 | Readership | 93,102 |
| Language | Malay | ArticleSize | 77 cm ² |
| Journalist | Bernama | AdValue | RM 287 |
| Frequency | Daily (EM) | PR Value | RM 861 |



Masuk percuma ke Taman Botani Kepong untuk warga emas bermula Mac

KUALA LUMPUR: Semua rakyat Malaysia berusia 60 tahun ke atas akan dikecualikan bayaran masuk ke Taman Botani Kepong (KBG) bermula 21 Mac 2023.

Institut Penyelidikan Perhutanan Malaysia (FRIM) dalam kenyataan memaklumkan perkara itu diumumkan Ketua Pengarah FRIM Dr Ismail Parlan pada perasmian siri ceramah mengenai tanah

lembap di galeri penyelidikan FRIM di sini semalam.

Ismail turut mengumumkan bayaran masuk ke KBG akan dikecualikan kepada semua pengunjung pada sambutan hari berkaitan hutan dan alam sekitar terpilih seperti Hari Hutan Antarabangsa (IDF) pada 21 Mac, Hari Kepelbagaian Biologi Antarabangsa (20 Mei); dan Hari Alam Sekitar Sedunia (5 Jun).

Sementara itu, menurut FRIM ceramah hari ini bersempena Hari Tanah Lembap Sedunia yang disambut setiap tahun pada 2 Februari, dihadiri oleh 30 peserta berusia antara lapan hingga 69 tahun.

Ceramah bertajuk 'No Wetlands, No Seafood?' itu menekankan kepentingan pemuliharaan tanah lembap. — Bernama